



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XC. Ut in Collegiis Pontificiis Urbis Anglorum, Græcorum, Maronitarum,
Scotorum, ac Hibernorum Convictores in victu, & vestitu se conforment
cum Alumnis.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

bus, quæ aliis omnibus Ordinibus tam Mendicantium, quam non Mendicantium sunt concessa.

Super hujusmodi communicatione carent authenticæ litterarum Apostolicarum.

Preces.

Abolutio à Censuris.

Pontifex dd. Privilegia Pauli V., & Gregor. XV. extendit etiã ad Fratres tam Calceatos, quam Discalceatos Ord. B. M. de Mercede Redemptionis Captivorum prout in rubrica.

Decretum irritans.

Contrariorum derogatio.

Fides transumptorum.

Dat. 19. Jul. 1675. An. 6.

natas, factæ, & consequenter facultatibus prædictis gaudeat, Fratres tamen ipsius Ordinis eadem facultates ad praxim deducere nequeant; quippe qui authentico Litterarum Apostolicarum super concessione facultatum hujusmodi expeditarum, exemplo delituti reperiantur.

§. 3. Nobis propterea præfatus Franciscus Procurator Generalis humiliter supplicari fecit, ut in præmissis opportune providere de Benignitate Apostolica dignaremur. Nos igitur ipsius Francisci Procuratoris Generalis voris in præmissis quantum cum D. possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, Superioribus, & Religiosis prædicti Ordinis B. Mariæ de Mercede Redemptionis Captivorum, tam Calceatis, quam Discalceatis ad limites præfatarum Clementis IX. prædecessoris Litterarum Apostolicarum auctoritate tenore præsentium indulgemus, ut ubicumque Locorum quilibet in suo Districtu Domos, & Monasteria juxta Sacri Concilii Tridentini Decreta de sola licentia Ordinariorum Locorum, nullo aliarum Personarum Ecclesiasticarum, & cujusvis Ordinis Regularium requisito consensu, etiam prædictæ Domus, & Monasteria aliis Domibus Regularibus Ordinum Mendicantium, magis vicina essent, quam in Privilegiis Ordinum Mendicantium hujusmodi concessis præscriptum est, servata in reliquis Constitutionum Apostolicarum forma, condere, fundare, & erigere possint: salva tamen semper in præmissis auctoritate Congregationis eorundem Cardinalium.

§. 4. Decernentes ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit in omnibus, & per omnia plenissime suffragari: Sicque in præmissis per quoscumque Judices Ordinarios, & delegatos etiam causarum Palatii Apostolici Auditores, judicari, & diffiniri debere; ac irritum, & inane si secus super his a quocumque quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus, & Ordinationibus Apostolicis, nec non omnibus, & singulis illis, quæ in supradictis Clementis IX. prædecessoris Litteris concessa sunt non obstare, cæterisque contrariis quibuscumque.

§. 6. Volumus autem, ut earundem Litterarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides in Judicio, & extra illud habeatur, quæ haberetur ipsis præsentibus, si forent exhibitæ, vel ostensæ

Datum Romæ apud S. Mariam Majorem sub Annulo Piscatoris die 19. Julii 1675. Pontificatus nostri anno sexto.

I. G. Slusius.

Registrata in Secretar. in lib. Brevium Mensis Julii parte utraque fol. 810.

XCI.

Statutum, ut de cætero qui Convictores Collegiorum Pontificiorum Anglorum, Græcorum, Maronitarum, Scotorum, ac Hibernorum

recipiuntur, Alumnis ipsorum Collegiorum in victu, & vestitu, totaque domestica disciplina se conformare debeant.

CLEMENS PAPA X.

Ad futuram rei memoriam.

Cum (sicut accepimus) ad rectam Juventutis institutionem in Collegiis Pontificis Anglorum, Græcorum, Maronitarum, & Scotorum de Urbe, quorum cura dilectis filiis, & Clericis, seu Presbyteris Regularibus Societatis Jesu, auctoritate Apostolica demandata reperitur, ac etiam in Collegio Hibernorum de eadem Urbe cujus curam bon. mem. Ludovicus S. R. E. Cardinalis Ludovicus nuncupatus illius Fundator, pro tempore existenti Præposito Generali d. Societatis commisit, ipsorumque Collegiorum, & in eis degentium quietem, & felicem progressum plurimum expediat, ut inter Alumnos, & Convictores dd. Collegiorum in victu, & vestitu, totaque domestica disciplina uniformitas servetur, ne ex diversitate oriantur dissidia, & perturbaciones, quæ finem institutionis eorundem Collegiorum ad Dei gloriam, Fideique Catholicæ conservationem, & propagationem pie prudenterque erectorum, impedire valerent.

§. 1. Hinc est, quod nos prædictorum Collegiorum, in eisque nunc, & pro tempore commorantium quieti, ac felici, prosperoque regimini, & progressui quantum nobis ex alto conceditur providere cupientes, Motu proprio, ac certa scientia, & matura deliberatione nostris, deque Apostolicæ potestatis plenitudine, ut de cætero omnes, & singuli cujuscumque status, gradus, Ordinis, & conditionis existant, qui in Convictores memoratorum Collegiorum recipiuntur, Alumnis ipsorum Collegiorum respective in victu, vestitu, totaque domestica disciplina sese conformare debeant, nec in dd. Collegiis commorari ullo modo permittantur, nisi toto tempore, quo in eisdem Collegiis respective convivent, Alumnis sese sicut præmittitur conforment, tenore præsentium perpetuo statuimus, & ordinamus.

§. 2. Volentes, ut Convictores, qui in Collegiis prædictis de præsentibus reperiuntur, intra aliquem competentem terminum ipsis à dilecto filio Jo. Paulo Oliva Præposito Generali Societatis prædictæ pro ejus arbitrio statuendum, sese Alumnis ipsorum Collegiorum respective in victu, vestitu, totaque domestica disciplina, ut præfertur, conforment, alioquin quantocius commode fieri poterit inde demittantur.

§. 3. Ac Decernentes eadem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab omnibus & singulis ad quos spectat, & pro tempore quodcumque spectabit inviolabiliter, & inconcussè observari: sicque & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. Cardinales, aliosque quoslibet quocumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quocumque quavis auctoritate scienter, vel ignoranter contigerit attentari.

§. 4. Non obstantibus prædictis, ac Constitutionibus, & Ordinationibus Apostolicis, ac quatenus opus sit Collegiorum prædictorum erectionibus, & Constitutionibus, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Litteris

Apostolicis

Exordium.

Statuitur in dd. Collegiis omnimoda conformitas inter Convictores, & Alumnos.

Præfigitur terminus dd. Convictoribus pro hujusmodi conformitate sub pœna &c.

Decretum irritans.

Derogat contrariis.

Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut præsentium literarum transumptis, seu exemplis, etiam impressis manu alicujus Notarii publici, vel Secretarii d. Societatis subscriptis, & sigillo prædicti Præpositi Generalis, vel alterius Personæ in Ecclesiastica dignitate constitutæ munitis, eadem prorsus fides in judicio, & extra ubique habeatur, quæ haberetur ipsis præsentibus si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 23. Augusti 1675. Pontificatus nostri Anno sexto.

I. G. Slusius.

Reg. in Secret. in Lib. Brev. Mensis Augusti par. 2. fol. 319.

Fides Transumptorum.

Dat. 23. Aug. 1675. An. 6.

XCI.

Prohibitio extrahendi Libros Bibliothecarum ex Monasteriis Congregationis Reformatæ S. Bernardi Ordinis Cisterciensis.

CLEMENS PAPA X.

Ad futuram rei memoriam.

Conservationi, & manutentioni Librorum Bibliothecæ Monasteriorum Congregationis Reformatæ Monachorum S. Bernardi Ordinis Cisterciensis, quantum cum Domino possumus benigne consulere, ac dilectum filium Nicolaum a S. Mauro modernum ejusdem Congregationis Abbatem Generalem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes.

§. 1. Supplicationibus ejusdem Nicolai Abbatis Generalis nomine Nobis super hoc humiliter porrectis inclinati, ne de cætero quisquam cujusvis gradus, conditionis, qualitatis, & dignitatis etiam Ecclesiasticæ, & quacumque auctoritate, superioritate, & officio fungentes, etiam individua mentione dignos, libros, quinterna, & folia, sive impressa, sive manuscripta eidem Bibliothecis hæctenus quovis modo donata, concessa, & assignata, ac in futurum quandocumque donanda, concedenda, & assignanda, sub quovis quæsito colore, ingenio, causa, ratione, aut occasione ex Monasteriis, quorum sunt extrahere, & asportare, seu ut extrahantur, & asportentur permittere, aut consentire audeat, seu præsumat sub excommunicationis lætæ sententiæ, a qua nemo, nisi a Nobis, & pro tempore existente Romano Pontifice absolutionis beneficium, nisi in mortis articulo constitutus, impetrare possit, ac etiam quoad Regulares, privationis vocis activæ, & passivæ pœnis eo ipso absque alia declaratione incurrendis auctoritate Apostolica tenore præsentium interdiciamus, & prohibemus.

§. 2. Non obstantibus Constitutionibus, & Ordinationibus Apostolicis, necnon Monasteriorum, & Ordinis, ac Congregationis prædictorum, etiam juramento, confirmatione Apostolica, seu quavis firmitate alia roboratis statutis, & consuetudinibus, privilegiis quoque indultis, &

literis Apostolicis in contrarium præmissorum quomodolibet concessis, confirmatis & innovatis. Quibus omnibus, & singulis illorum tenores præsentibus pro plene, & sufficienter expressis, & insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 3. Volumus autem, quod præsentis prohibitionis copiz in valvis Bibliothecarum Monasteriorum prædictorum, vel alio Monasteriorum hujusmodi loco conspicue, quo ab omnibus cerni possint, continuo affixæ remaneant.

Datum Romæ apud S. Mariam Majorem sub Annulo Piscatoris die 9. Septembris 1675. Pontificatus nostri Anno Sexto.

I. G. Slusius.

Registrata in Secr. in lib. Brevium mensis Septembris par. 2. fol. 225.

Statutum circa novos transitus Professorum Societatis Jesu e dicta Societate ad alios Ordines translatorum.

CLEMENS PAPA X.

Ad perpetuam rei memoriam.

Cum dudum fel. rec. Paulus PP. III. prædecessor noster Societati Jesu inter alia concesserat, ut Clericorum Regularium ejusdem Societatis nemo, sive Professor, sive Scholaris, sive Coadjutor ex dicta Societate egrediens ad alium, quam Carthusiensem Ordinem, nisi de expressa Romani Pontificis, vel Præpositi Generalis dictæ Societatis licentia se conferret:

§. 1. Itemque rec. mem. Pius PP. IV. etiam prædecessor noster voluerat, ut ne quis prædictorum ab eadem Societate, prætextu cujusvis Indulti, vel quæsito colore melioris vitæ, vel strictioris observantiæ etiam ad Mendicantium vel Cisterciensium, seu S. Benedicti, aut aliorum Monachorum Ordinem, Carthusiensi excepto transire possit, dubitari contigisset, an Præpositus pro tempore existens valeret etiam profectos, ex causis id exigentibus, ab ipsa Societate emittere, aut eis sic emissis liberum esset de ejus licentia, se ad quemvis alium Mendicantium, vel non Mendicantium Ordinem transferre, piæ me. Gregorius PP. XIII. pariter prædecessor noster re perpensa, atque diligenter examinata, Societatis ipsius puritate, atque incremento, emissorumque pro tempore salutis consulere volens, statuit, ut deinceps in perpetuum liceret dicto Præposito, quos judicavisset ab ipsa Societate emittere, eosque de ipsius Præpositi licentia non tantum ad Carthusiensem, sed ad quemvis alium Mendicantium, vel non Mendicantium, parisi, laxioris, aut arctioris observantiæ Ordinem per ipsum Præpositum illis præscribendum, de consensu tamen superiorum Loci illius, quo destinarentur demigrare, in eisque professionem per Locum illius Monachos, aliosque Regulares ejusdem emitti solitam emittere, habitumque suscipere, & consueta uti eorum disciplina, & alias prout in ejusdem Gregorii prædecessoris literis desuper in simili forma Brevis die 22. Septembris 1582. expeditis, quarum tenorem præsentibus pro plene, & sufficienter expresso, & inserto haberi volumus, uberius continetur.

§. 2. Cum autem, sicut accepimus, non raro contigerit, ut Professi nonnulli prædictæ Societatis laxioris vitæ cupiditate ducti, cum nequiverint impetrare a Præposito Generali ipsius Societatis licentiam transeundi ad Ordinem laxioris observantiæ, prout desiderabant, impetrarent saltem facultatem ingrediendi alium Ordinem,

XCII.

Indultum Pauli III. datum Societati Jesu.

Alterum Indultum Pii IV. favore dictæ Societatis.

Dubitatio desuper orata.

Resolutio Greg. XIII.

Abusus exinde suboritus.

nem,